

外科證治全書卷五

環峯許克昌倫聲

木末畢

法蒼霖

同輯

通用法

鍼法

外科用鍼因癰疽膿成不得外洩毒氣壅遏瘡腫肌膚內潰故用鍼決之俾膿洩氣通而愈經云鉞鍼末如鋒銳以取大膿此之謂也用鍼之際雖云量其患之淺深尤當隨其肉之厚薄如皮薄鍼深則反傷好肉轉增其潰肉厚鍼淺則毒膿不出反益其痛用鍼可不慎哉大抵用鍼以斜



外科證治全書卷五目錄

外科

通用法

鍼法

砭法

灸法

熨法

拔毒法

繃縛法

洗滌法

備用法

神燈照法

騎竹馬灸法

麻油截法

洪丞相

法 蟻鍼

桑枝火烘法

牛膠蒸法

通用方

仙方活命飲

敗毒湯

人蔘敗毒散

荆防敗毒散

陽和湯

陽和丸

防風通聖散

四物消風飲

龍膽泄肝湯

導赤湯

散消飲

托邪飲

潤腸煎

小柴胡湯

逍遙散

加味逍遙散

二陳湯

加味二陳湯

獨蕩湯

四君子湯

六君子湯

香砂六君子湯

四物湯

加減四物湯

八珍湯

十全大補湯

四物養榮湯

保元湯

加味保元湯

補中益氣湯

歸脾湯

加味歸脾湯

當歸補血湯

當歸黃耆湯

大防風湯

和表八珍湯

歸芍地黃湯

千金內托散

代刀散

玉真散

四十

護心散

槐花藥

六味地黃丸

加減六味丸

八味地黃丸

加減八味丸

醒消丸

犀黃丸

三黃丸

五通丸

五十

紫元丹

小金丹

洞天救苦丹

保安萬靈丹

大棗丸

子龍丸

抑陽散

抑陰散

沖和散

烏龍膏

六十

齧頭膏

附一

消管錠

平安餅

海浮散

鍼頭散

推車散

五美散

螵蛸散

二味拔毒散

金銀散
七十

金霜散

五寶散

山蓮散

象皮散

六和散

洞天膏

陽和解凝膏
七十七

備用方

紫金錠

蠟礬丸

千金化毒丸

呂祖一枝梅

瓊酥散

整骨麻藥

敷麻藥

沖和湯

完瘡散



外科證治全書卷五

環峯許克昌倫聲

木末畢

法蒼霖

同輯

通用法

鍼法

外科用鍼因癰疽膿成不得外洩毒氣壅遏瘡腫肌膚內潰故用鍼決之俾膿洩氣通而愈經云鉞鍼末如鋒銳以取大膿此之謂也用鍼之際雖云量其患之淺深尤當隨其肉之厚薄如皮薄鍼深則反傷好肉轉增其潰肉厚鍼淺則毒膿不出反益其痛用鍼可不慎哉大抵用鍼以斜

鋒偏鋒爲善其法從旁刺入以防透膜欲大開口則將鍼斜出欲小開口則將鍼直出所謂順而導之也然用鍼自有其時果其膿熟不能自潰則用之若未成膿不必用鍼在膏粱怯弱之人及肚臍骨節近筋之處自有代刀散齧頭膏等藥備用不必用鍼也

砭法

凡赤遊丹毒疔瘡紅絲走散或時毒瘀血壅實等證皆宜行砭法然不可太深內經所云刺皮無傷肉也法用細瓷器打碎取有鋒芒者一塊以筋一根劈開頭尖夾之用綫縛定兩手指輕撮筋尾令瓷鋒正對患處約懸寸許再用

重筋一根頻擊筋頭令毒血遇刺卽出毒氣自退若毒氣入腹膨脹者難治

灸法

經云榮衛稽留於經脈之中則血瘀不行不行則衛不通故熱大熱不止則肉腐爲膿蓋癰疽瘡毒總由氣血壅積不行可知故通壅積暢榮衛而灸法誠外科之要訣也竊有疑者諸疽白塌木腫本屬陰寒得灸之力回陽溫腠實爲盡善若一切陽毒紅腫焮痛概用灸法雖云宣壅散結恐火攻反致逼毒入裏大痛大腫神昏痰涌吁吁作喘奈何旣不敢以人試藥又不忍黏混相傳故特辨明此條以



待高明校定閱諸灸法有用隔蒜灸者用蟻蠶灸者用附子餅豆豉餅木香餅香附餅灸者其法不一總以通壅積

噎滯衛而已至於灸壯之大小則量瘡勢定也

隔蒜灸法

案陰疽流注及麻木痺寒溼痺痛等證以此灸之疔瘡生下部偏僻之處或可用

大蒜頭去皮切片約至三箇錢厚安患頂上用艾壯於蒜上灸之三壯卽換蒜片再灸每日灸二三十壯愈多愈妙如瘡勢大以蒜搗爛鋪於瘡上將艾鋪蒜上灸之蒜敗再換

附子餅

案潰疽血氣虛寒不能收斂以此灸之

炮附子去皮臍研末以津唾和爲餅約三箇錢厚置患

口上以艾壯灸之每日灸數壯但令知熱勿令痛如餅乾再易餅灸之以患口紅活爲度

豆豉餅

案頑瘡惡癰以此灸之

江西淡豆豉爲末量患大小唾津和作餅或黃酒和亦可約三箇錢厚置瘡上艾壯灸之餅乾再易如有瘡孔勿覆孔上在孔旁四布豉餅然艾灸之令微熱勿令肉破日灸三度令瘡孔出汗瘥

木香餅

案撲損閃胸血瘀氣滯以此灸之

以木香五錢爲末生地黃一兩杵膏和勻量患處大小作餅置腫上以艾灸之

香附餅

案瘰癧痰毒或風寒襲於經絡結腫以此灸之

生香附爲末生薑自然汁和量患大小作餅覆患處以

艾灸之

蟻螬灸法

案疔癰惡瘡諸藥不效者以此灸之

取蟻螬翦去兩頭安瘡口上以艾灸之七壯一易不過七枚無不效者

凡艾灸火瘡不收口用瓦松陰乾爲末先以槐枝葱白煎湯洗過然後以末搽之卽收

熨法

凡流注痰核鶴膝肢體腫塊或風寒襲於經絡筋攣骨痛



及跌撲損傷用之止痛散血誠良法也或先用隔蒜灸法
餘腫未消最宜用熨助血氣行壅滯用大蒜白細切杵爛
炒熱敷患處熨之腫痛卽止

一法用大蒜一握束作數節切爲餅置患處以熱物熨之
或鋪艾灸之必易餅多灸多熨爲妙

拔毒法

草麻拔法

此惟紅腫非常不得已而用之
若胎前產後及患白色者禁用

用草麻子仁搗爛如泥鋪絹上照患處大小取絹蓋上
貼患處用布紮好痛止卽去之

黃蠟拔法

案潰瘡日久臭爛色黑翻花起肛
及不痛頑瘡潰爛用之拔毒最妙

用黃蠟爲屑先以溼麪隨腫根作圈高寸許實貼皮上如井口形圈外圍布數重防火氣烘膚於是鋪蠟屑三四分厚於圈內次以銅漏杓盛桑木炭火懸蠟上烘之令蠟化透又添蠟屑隨化隨添以井滿爲度去火杓噴冷水少許於蠟上俟冷取起蠟底青黑色卽毒出之徵也

繃縛法

凡陰疽潰後敷貼藥外用絹帛四五層安蓋上面再用絲布八寸見方兩塊四角用輭絲紗細帶紮之以一塊繃實患處將帶縛所餘一塊預備洗滌上藥時更換不但無外

邪乘襲且使皮膜連屬融融然氣血流暢易生肌肉也

洗滌法

凡癰疽潰後膿水腥臭不洗滌之則毒遏延膚或穢積生
蛆氣血不能融舒安望其生新肌膚故洗滌亦爲要事其
洗也或用解毒散或用集芳散或用蛇椒神效散洗藥不
一惟在臨證措宜重者一日一洗輕者間日一洗每次用
淘米第二次泔水糯米者尤妙六七椀投藥於內入鍋煎至湯

醑瀝去渣以新絲蘸湯淋洗患處湯冷再易并輕手捺患
旁令宿膿隨湯而出以淨爲度洗訖用軟絲紙挹乾隨敷
貼以應用之藥蓋洗之以藥湯者以洗之疏暢榮衛一舉

兩得也煎之以米泔水者以泔之逐穢生新惠而不費也
人之氣血得香則行得臭則逆故洗藥中又當以集芳散
爲最

解毒散

洗一切潰久惡腐甚者
先用此藥後用集芳散

白礬

四兩

雄黃

一兩

貫仲

二兩

研細末和滾水待溫洗之

集芳散

洗一切潰
爛癰疽

官白芷

川芎

藿香

木香

防風

各三錢

甘草

三錢五分

葱

一大把

蛇椒神效散

洗風陰
溼諸瘡

備用法

神鑑照法

凡癰疽輕證初起七日前後神鑑照法最宜能使未成者消已成者潰實有奇驗其法用雄黃硃砂真血竭沒藥各一錢麝香二分共研細末每用三分緜紙捲裹爲撚約長尺許以真麻油潤透點照離瘡半寸許自紅暈外圈週圍徐徐照之以漸照入瘡口上所謂自外而內也更須將撚猛向外提以引毒氣使藥氣從火頭上出內透瘡中則毒隨氣散自不內侵臟腑初用三條漸加至五七條瘡熱漸消可漸減之照罷隨用後敷藥如大膿已出則不必敷藥



只用膏藥貼之

敷藥方

用車前草稀薹草金銀花五爪龍草各等分鮮者搗爛
加陳米粉兩許飛鹽二三分共打爲稠黏敷瘡上中畱
一頂以膏蓋貼避風如冬月無鮮草預採陰乾爲末醋
調敷亦妙倘五爪龍草一時難得卽單用四味亦能奏
功不必一定拘執也

騎竹馬灸法

其法令病人以手肘凭几而坐男左女右將手臂豎起要
直用竹篾一條自臂腕中曲處橫紋間量起貼肉上至中

